


Anderweit Schrift!

So Römischer Kaiserlicher Maie.
 von Churfürst / Fürsten vnd Sten-
 den / der Christenlichen Religion /
 jüngst auffm Reichstage zu Regenspurg / ge-
 gen Hertzog Heinrichs von Braunschweig /
 der sich den jüngern nennet / vormeinten Ver-
 antwortung / des vnmenschlichen ein-
 gerissenen Mordbrennens hal-
 ben / weiter vbergeben ist
 worden.

M D X L L



Ungenerliche Anzeigung/was auff des
von Braunschweigs gegenbericht fer-
ner zu deduciren sein solte.

Alles durchleuchtig-
ster/grosmechtigster vnd
vnüberwindlichster Kai-
ser/aller gnedigster herr/
Ewer Kay. Maie. werden
sich gnedigst zuerinnern
wissen/aus was dringen-
den/notwendigen/billichen vnd rechtmessi-
gen vrsachen/wir vrschiener zeit/des vn-
menschlichen eingerissenen Nordbrennens/
auch derselben Besteller vnd Anstifter hal-
ben/E. Kay. Maie. vnterthenigst bericht vnd
anzeig gethan/ **W**etten auch verhofft/
als wir dann noch hoffen/E. Kay. Maie.
würden sich darauff/vnser rechtmessigen be-
schehenen bitt nach/inn ansehung wichtig-
keit vnd größe/des vbelvnd vnthaten/mit
gnedigstem einsehen/vnd gebürlicher vor-
schaffung/aller gnedigst erzeigt haben/So
vormercken wir doch/das Hertzog Weins-
rich von Braunschweig/sich darüber vnter-
standen/seiner so weit berücktigten Ampt-
leut vnd diener anzunemen/dieselben als vn-
schuldig zuuerteidigen/auch inn den Ewer
Kay. Maie. vbergebenen Vrgichten zu grü-
ßeln/

beln / vnd die / als vnkrefftig zubereden / wie
er dann derwegen eine langwirige / gantz vn-
gegründte schrift / mit vielen bösen ertichten
schmechelichen Worten gespiet / an E. Kay.
Maie. hat ausgehen / vnd E. Kay. Maie.
vns die furder aller gnedigst zustellen lassen /
Des wir vns auch gegen E. Kay. Maie. inn
höchster vnterthenigkeit thun bedancken.

Nun hetten wir wol leiden können / Der-
tzo Heinrich von Brannschweig / hette sich
gemelter seiner Amptleut vnd diener / bösen
thaten / die zuschmückē / vñ der gerechtfertig-
ten Mordbrenner / auch soniel deren noch vn
gerechtfertiget / gefencklich sitzē vnd verwart
seind / bekentnus / aussage vnd vrgichten /
durch viel vngereimbte wege zubenichtigen /
enthalten / Dann zu dem / das solchs vnge-
gründter weis / vnd allein mit blossen wor-
ten von ime beschehen / So ist leichtlich zu-
erachten / zu was vordacht vnd argwan / er
dadurch Ewer Key. Maie. vns / vnd sonsten
menniglichen vnparteiſchen vrsach gibet /
vnd gegeben hat.

Vnd ist eben war / das wir noch zur zeit
bey Ewer Key Maie. widder Dertzog Hein-
richen nichts gebeten / Sondern vnser bitt
vnd suchung dohin gestalt / dieweil Dertzog
Heinrichs Amptleut vnd diener / als nem-
lich /

lich / den Amptman zu Wolffenbüttel / Stau
ffenberg vnd Scheinigen / George Günter /
Christoffel von Oberg / vnd an dere mehr /
durch soniel Nordbrenner / welche eins teils
gericht / vnd vff ihrer besagung gest orben /
auch eins teils noch sitzen / vnd was sie ein
mal bekant / nochmals gestehen werden / be
sagt vnd berichtigtet / **E. Key. Maie.** wol
ten bey Hertzog Weinrichen die ernste vor
süßung thun lassen / berurte seine Amplente
vnd diener gefenglich anzunehmen / inn **Erwer
Bay. Maie.** handen oder andere vnuordech
tige ört / da wir vnd andere / gegen dieselben /
gebürlichs Rechdens bekommen möchten / zu
stellen / Vnd im fall der wegerung / aus Kei
serlicher macht vnd gewalt / selbst vorschaf
fen vnd beuehlen lassen / Vnd dieser vnser vn
terthenigsten bitt vnd suchung / haben wir
darneben / vnser verhoffens / **E. Key. Maie.**
rechtmessige / gegründte vnd erhebliche vr
sachen / dargethan vnd vorgewendet / Dann
weil soniel Nordbrenner / nicht allein inn vn
sern / sondern auch inn andern Fürstenthü
men / herrschafften vnd öbrigkeiten / gefeng
lich eingezogen / gerechtfertiget / vnd zum teil
noch gefenglich erhalten werden / fast zu
gleich vff berurte Hertzog Weinrichs Ampt
leute vnd diener stimmen / Vnd das sie des
angezogenen / erbermlichen Nordbrennens
Vorleger vnd Besteller gewesen sein sollen /
A iii bekennen /

bekennen / So haben wir ihe dem wol glantz
ben zustellen / oder auffß wenigst aus solcher
einhelliger besagung / den argwan vnd vor-
dacht schepffen mögen / Das es nicht gar
nichts / oder ein vergeblich ding vnd bekent-
nus sein müste / Vnd das wir dannoch dar-
aus im Rechten so viel fugs gehabt / vnd
noch haben / zu bitten vnd zusuchen / die an
soniel örtern besagte vnd berüchtichte Ampt-
lente vnd diener / domit gegen dieselben ge-
bürlchs Rechten zubekomen / zu Key. Maie.
handen vnd rechtfertigung / gefenglich an-
nehmen zulassen.

Wir haben auch niemands ichtwas zu
vordris / beschwerung oder iniurien / auffge-
legt / Wie wir dann auch derwegen offent-
lich protestirt / Sondern allein Ewer Key.
Maie. pro informatione / die Vrgichten vnd
bekentnussen der Mordbrenner / so inn vn-
sern Fürstenthümen vnd Gebieten / gerecht-
fertigt / vnd zum teil noch sitzen / auch so hin
vnd wider in andern Fürstenthümen / Herr-
schafften vnd Obrigkeiten / gerechtfertiget
worden / vnd zum teil noch / bis auff diesen
hentigen tag / gefenglich enthalten werden /
vnterthenigst vorgelegt vnd zugestellt / sich
darans des grunds vnser ansuchens zue-
künden.

Vnd dieweil dann das Mordbrennen
so vn-

so vnmenschlich eingerissen / vnd noch teg-
lich vberhand nimmet / Daraus nichts an-
ders / dann entlicher vorterbe Deutsches
Landes / zugewarten / Wir auch vnd vnserer
Herrn vnd öbrigkeit / vnterthanen / am mei-
sten domit beschwert vnd angegriffen wer-
den / So haben wir ihe aus hertzlichem mit-
leiden / gemüt / so wir zu vnserm Vaterlandt
Deutscher Nation / auch zu vnser / vnd der
vnsern höchsten drangenden vnd vnuormeid-
lichen notturfft / billich tragen / nicht vmb-
gehen sollen noch mügen / die ding inn aller
massen / wie wir deren in erfahrung kommen /
vnd Vns zum teil von andern herrschafften
vnd öbrigkeiten / zugeschickt worden / an E.
Key. Maie. als das oberst Daubt / vnterthe-
nigst gelangen zu lassen / Vnd stellen inn
keinen zweifel / E. Key. Maie. vnd alle vn-
parteyschen / werden vns des zur billigkeit
nicht vordencken / Da auch Hertzog
Weinrich den vntergang vnd das vorterbe
Deutsches Landes / so vngerne sehe / als
wir / So solte er zumorhütung allerley vor-
dachts / viel mehr neben vns / oder vor sich
selbst / gegen seine / so weit vormehrte / besagte
vnd berücktigte Amptleute vnd diener / da-
mit die warheit erkundet / vnd solche vn-
christliche Worbrenner / gestrafft werden
möchten / zu gebürlicher rechtfertigung trach-
ten.

So haben

So haben wir auch E. Key. Maie. der
Vrgichten warhafftige Copeyen / wie die der
Mordbrenner halben / so bey Vns / vnd inn
andern Fürstenthümen vnd Obrigkeiten / ge-
recht fertiget / vnd zum teil noch gefenglichen
enthalten werden / an vhs kommen / vnter-
thenigst zugestellet / vnd doran nichts voran-
bert / Wissen auch die / im fall der not-
turfft / wie gebürlich vnd recht / zustercken /
Daraus E. Key. Maie. aller gnedigst wer-
den abzunemen haben / ob die vbergebene vr-
gichten / nichtig / erticht / vnwarhafftig vnd
vnrechtmessig seien / oder nicht.

Das aber etzliche Mordbrenner / inn
gütlicher vnd peiniger frage / ausgesagt vnd
berichtet / Der Papst vnd Hertzog Heinrich
soltten das gelt auslegen / Das haben wir
nicht ertichten künden / auch dauon nicht
mehr gewußt / dann soniel wir aus solchem
aussagen / vrgichten vnd bekentnussen / vor-
merckt vnd befunden / So haben wir
an berurten Vrgichten nichts vorandern sol-
len noch wollen / Vnd mag Hertzog Hein-
rich solche aufflage gegen den Mordbren-
nern / die inen vnd den Papst besagt / aus-
führen / Derwegen so thut vns auch Hertzog
Heinrich / mit höchster vnwarheit / auffle-
gen / als ob wir inen bey E. Key. Maie. bö-
slich / felschlich vnd vnwarhafftiglich / aus-
geschepfftem

geschepfftem / neidigem / gehessigem gemüt /
angegeben / vnd zuuorunglimpffen vnder-
standen / Dieweil wir die dinge / weder erger
noch besser gemacht / dann der gerechtfertig-
ten Nordbrenner / vnd der jenigen / so noch
sitzen / vnd gefenglich enthalten werden / Dr-
gichten vnd bekentnussen mitbringen / Es
wirdet sich aber / aus vorleihung Göttlicher
gnaden / wer die Deubtscher / Anrichter
vnd Stiffter sein / mit der zeit wol finden /
vnd ausweisen.

Wir haben auch Hertzog Weinrichen /
widder Gott / Ehr vnd Recht / nichts zuge-
messen / wie er seiner gewonheit nach / mit
vnwarheit redet / Sondern schlechts vnd ein-
faltig / der gefangenen / vnd zum teil gerech-
fertigte Nordbrenner Vrgicht vn bekentnus /
E. Key. Maie. zum treulichsten vorgelegt /
Daraus E. Key. Maie. wie weit ein ider des
Nordbrennens vordacht / odder nicht / wol
werden zu schliessen haben / Dann das wir
inen / als vnsern widderwertigen / angegeben
vnd benant / Des haben wir aus seinen / ge-
gen etzlichen vnser theils Religions Vor-
wandten Stenden / inn viel wege / gepflogen
handlung / gute vnd beständige vrsach ge-
habt / vnd noch / So erscheinet auch nu-
mehr / weil er seiner besagten vnd berüchtig-
ten diener vnd Ampelente / so weit vormehrte
B vnthaten /

vntzaten/ selbst zuschützen vnd zuuorteilun-
gen/ auff sich genommen / der vordacht/
warumb er vns gegen dieselben/ zum Richter
vnleidlich/soniel Klerer.

Das er aber aussershalb Sachssen vnd
Dessen / mit den Religionsvorwandten/
nichts inn vngutem wil zuthun gehabt ha-
ben / Des müge er seine thetliche handlung/
eine zeitther/ vnd sonderlich inn stehenden E.
Kay. Maie. suspension / gegen die Städte/
Braunschweig vnd Gosslar/ geübt/befagen
lassen.

So ist es vielen/im Reich Dendscher Na-
tion/wissentlich/vnd haben E. Kay. Maie.
sonder zweifel/ derwegen albereit/ durch ire
inn sonderheit darzu verordente Commissar-
ien/ guten/ bestendigen/ vnd nottürfftigen
bericht/empfangen.

So stehet auch das ermessen vnd rich-
ten/nicht bey Hertzog Meinrichen/ sondern
bey E. Kay. Maie. allen Ehrliebenden vnd
vnparteyischen/ Ob wir die besagte/Hertzog
Meinrichs Amptleute vnd diener/ mit gefe-
lichen vnd vngewissen dingen/beschwert vnd
angegeben haben/ odder nicht/ Wir
stellen aber inn keinen zweifel/ ein ider vor-
stendiger/da ime so mannichfaltiger/an vn-
derschiedlichen örten vnd stellen/ eingezoge-
ner Worts

ner Mordbrenner / gleichformige Vrgichten
vnd bekentnußen / vor augen komen / werde
daraus eben die vormutung / argwan vnd
vordacht / nemen / welchen wir inn gleichnuß
geschepfft haben.

Das aber der Landgraff vnd seins gley-
chen / Hertzog Heinrichen vnd seine vnter-
thanen / auch andere Stende / mit geferlichen
vngewissen / sorglichen vnd vnredlichen din-
gen / beschwert haben solten / Daran redet
Hertzog Heinrich / one zweuel / sein willen /
wirdet es mit grund vnd bestand nicht aus-
führen mügen / Sondern der Landgraff wir-
det darzu / one zweuel / gebürliche vnd ehr-
liche antwort / wol zu geben wissen / Zu-
dem / so ist solchs aus seiner Lieb vnd f. G.
Aus schreiben / auch wie sein f. G. sich mehr-
mals hat vornemen lassen / inn den handlung-
en / vor den beiden Churfürsten / Trier vnd
Pfaltz / als vnderhendlern / auch vielen Chür
vnd Fürsten / vnd sonderlich den Bundsge-
sandten zu Wormbs auffm Tag / gnugsam
vorantwortet vnd angezeigt / das sein f. G.
inn der Packshandlung / ime nicht alleine ge-
glaubt / sondern vielen andern anzeigungen /
so darneben gewesen / Dann ob wol ge-
sagt wirdet / das es mit peinlichen fragen / ein
geferlich vnd sorglich ding sey / So ist doch
nicht glanblich / das souel Mordbrenner vnd

B ij

Obeltpeter /

obeltheter / so mehr dann an einem ort / zu
besten bracht / Die auch nicht bey einander
gewesen / noch einander gekant haben / das
man gedenden künde / sie hetten samptlich
auff jemandes / solche anstiftung vnd bestel-
lung zu legen / voreiniget / vnd darzu von vn-
derschiedlichen bestellungen / meldung ge-
than / inn iren Aussagen vnd Vrgichten / also
einstimmig vnd concordes sein solten / Quae-
rioni enim non semper, tamen nonnunquam fidei
adhibendam, constitutionibus declaratur. Zu
denie / das auch ein grosser teil der benenten
Mordbrenner / one alle peinliche frage / inn
der gute ihre bekentnis gethan / vnd den an-
dern gleichförmige aussage / von sich vor-
lauten lassen.

Vnd ob wol Hertzog Weirrich vorgibt /
die gerechtfertigte Mordbrenner / haben vn-
sers abtrünnigen lebens halben / ihre straff
leiden müssen / vnd das Gott solchs vber vns
verhenget / So können wir doch nicht glan-
ben / das er bey vnserm Verr Gott im Rath
gesehen / do solche Vrteil vber vns gangen /
Wette sich auch billich / Gott inn sein Gericht
zu greiffen / enthalten / Aber hinwider /
da einer die gedancken fasset / Diweil Wer-
zog Weirrich sich so sehr engstiget vnd be-
fleissiget / seine besagte vnd berüchtigte Ampt-
leute vnd Diener / des bestelten vnd vorsolten
Mord-

Mordbrennens zuentschuldigen / So solte
ihme billich vnbeschwerlich sein / dieselbigen/
vnser bitt nach / inn E. Kay. Maie. hande zu
stellen / Ihre schuld vnd vnschuld / vermü-
ge der Recht / auszustehen / So seind wir
auch der hoffnung / Gott der Allmechtige
werde solch vnerbar / Vnchristlich / Mord-
brennen / vneroffent nicht hingehen lassen /
vnd die Rutten / damit er vns (Hertzog Wein-
richs meinung nach) straffet / zurbrechen /
vnd kurtzlich inn das fewr werffen.

Das auch aus den vorgelegten Vrgich-
ten / widder Hertzog Heinrichs Amptleute
vnd Diener / gnugsame indicion / argwan
vnd vormutung / des berücktigten / vnd an so
viel örten begangenen Mordbrands / zu fin-
den / Des wollen wir vns Ewer Kay. Maie.
vnd alle vnparteiſchen / besagen lassen / Wann
wann bereit die vbergebene inditia / wann
ein jedes inn sonderheit / vorgenommen vnd
examiniert / zu dem gefenglichen einziehen /
odder peinlichen fragen / nicht gnugsam /
Dannoch / da souiel inditia / vnd souiel Mord-
brenner gleichformige Aussage vnd bekent-
nus / zusammen komen / so müssen sie gewis-
lich etwas wircken / Vnd zu dem / das wir bey
Ewer Kay. Maie. vnterthenigst gebeten /
gnugsam sein / zu forderst / dieweil gemelte be-
sagte Hertzog Heinrichs Amptleute / vnd
B iij Diener /

Diener / etliche sonsten vnd one das / eines
bösen gerüchts / wie solchs am tage / vnd die
Gosslarischen purgation articke / auch die
thaten gegen dem Bischoff von Wildesheim
geübt / gnugsam zuertennen geben.

Das aber die peinliche Verhör / widder
die Theter / wie sich zu Recht gebüret / nicht
solte vorgenommen worden sein / Das wirdet
sich (ab Gott wil) wann gemelte Hertzog
Heinrichs Amptleute vnd diener / zu gefeng-
nus bracht / Vnd wir gegen die dieselbigen /
vnsrer vorigen bitt nach / gleichmessig vnd vns-
parteiſch / Recht erlangen vnd bekommen mü-
gen / viel anderst findē / Wollen auch auff den
fall / die Vrgichten / inn rechter vnd bestendi-
ger forme / wol furzubrenge wissen / Dan das
wir inn vnsrer negster vbergebener Supplicas-
tion / Ewer Kay. Maie. alleine einen Auszug
zustellen vnd vberantworten lassen / Das ist
aus den vrsachen / dabey angehangen / vnd
domit E. Kay. Maie. mit langem vorlesen /
nicht dürfften bemühet werden / beschehen.

So ist es auch one allen grund / das die
gefangene / inn sonderheit / auff Hertzog
Heinrichen vnd seine Vorwandten / solten
befragt worden sein / Dann das widderspiel
sol sich mit warheit / da wir gegen die besag-
ten / Recht bekommen mügen / aus gemelter ar-
men

men menschen Aussage vnd bekentnus / vnd
sunsten / wol erfinden / Vnd darumb / so ist
vns wenig daran gelegen / wieniel glaubens
Hertzog Heinrich / den vbergebenen Auszu-
gen zu geben weis / odder nicht / Dann wir
ihnen disfals / zu keinem Richter gesetzt /
noch leiden können.

Vnd dieweil Hertzog Heinrich sich vnt-
erstehet / die Vrgichten inn viel weg / zu tad-
eln / zu benichtigen / der Wordbrenner Vrg-
ichten vnd bekentnussen / vntrefftig zubere-
den / So hette er doch billich bedencken sol-
len / dieweil er gegen seine besagte Amptlente
vnd Diener / gerne Richters stat halten wol-
te / Wie ihme solchs zuthun hat gebären
mügen.

Wir seind aber nicht bedacht / vns der-
wegen mit Hertzog Heinrichen / inn einige
Disputation einzulassen / odder zubegeben /
Sondern / da Hertzog Heinrichs berück-
tigte vnd angegebene Amptlente vnd Diener /
zu Erwer Kay. Maie. handen / odder sonsten
an die ort gestellet / da wir vnd andere gleich-
messig vnd vnparteilich Recht gegen sie / er-
langen vnd bekomen mügen / So wollen wir
die vorgelegten Vrgichten vnd bekentnussen /
dermassen zu stercken / vnd Hertzog Hein-
richs itzige vngegründte Bloßirung / also ab-
zuleinen wissen / Darans Erwer Kay. Maie
vnd

vnd menniglich / befinden sollen / das wir zu
der gefenglichen einziehung / berurter Hertzog
Heinrichs Amptleute vnd Diener / gnugsame
inditia / argwan / vnd enthebliche vrsachen
gehabt / Darauff ferner zubesehen /
was recht ist.

Dann ob wol nicht alle Nordbrenner
zu gleich / auff die angegebene Hertzog Hein-
richs Amptleute vnd Diener / stimmen / So
ist doch aus derselbigen Aussage soniel zube-
finden / Das fast alle schiffnung / bestellung
vnd vorlegung / angezeigt Nordbrennens /
inn / vnd ausser Hertzog Heinrichs Landen /
odder ihe nicht weit dauon / beschehen / Zu-
dem / das gleichwol der andern Nordbren-
ner soniel seind / welche die bestellung vnd
vorlegung berurts Nordbrennens / auff ge-
meltz Hertzog Heinrichs Amptleute vnd
diener / besagen / Das ein iher vnparteiicher /
daraus gnugsame indition / argwan vnd ver-
mutung zuschepffen / das sie billich gefeng-
lich eingezogen / vnd auff gemelte Vrgichten
ferner widder sie / wie gebürlich / vorsehen
werde.

So haben wir die Dörffer vnd Norda-
brenner / odder derselben Besteller / auch wo
die besessen vnd angenommen / nicht anders
teuffen / odder benennen können / Dann wie
sie

sie durch die gerechtfertigten Nordbrenner/
vnd die jenigen / so noch sitzen / vnd gefeng-
lich enthalten werden / angegeben / besagt /
vnd benant worden / Vnd erscheinen gleich-
wol / aus vielgedachter Nordbrenner Dr-
gichten vnd aussagen / soniel gleichstimmiger
vnd concordirender Bekentnussen // Daraus
Ewer Kay. Maie. vnd menniglich vnpar-
teisch / widder gemelt Hertzog Heinrichs
Anpfeleute vnd Diener / gnugsamen argwan
vnd indition / nicht allein zu gefenglichem
einziehen / sondern auch zu peinlicher frage/
zubefinden haben / Darumb Hertzog
Heinrichen von nöten gewest / sich so merck-
lich zu engstigen / wie er die furbrachten Dr-
gichten / widderwertig / vngewis vnd nich-
tig / bereden müge.

Vnd ist weder ein Böckischer / noch
Styrischer funde odder fugeben / Das man
die Euangelische Stende / brennen / vnd so
das geschehen / einzug / vorgenommen wer-
den sol / Sondern durch viel Nordbren-
ner / also bekant / welch darauff / bis inn iren
tod / verharret vnd bestanden / vnd etzliche /
so noch gefenglich enthalten / aussagen vnd
bekennen / Derwegen vnserm Oheim vnd
gnedigen herren / dem Landgrauen / noch
Vns / gar nichts auffzulegen ist.

C So gibet

So gibet vns auch wenig zu schaffen /
Wiewiel gelds der Papst / zu Hertzog Hein-
richs angegebener / vermeinter Christlicher
Bündnus / erlegt haben sol / Das aber
etzliche Nordbrenner aussagen / Das der
Papst / vnd andere Cronen / zum Nord-
brennen ausgelegt / Das haben wir / vnterm
namen der Nordbrenner / nicht vnerfindlich
fürgegeben / wie vns Hertzog Heinrich / mit
vnwarheit / zumisset / sondern schlechts vnd
einfeltig / der Nordbrenner Vrgichten vnd
bekentnussen / L. Kay. Maie. vnderthenigst
vorgelegt / Darumb / so müge es Hertzog
Heinrich / gegen den Besagern / vorantwor-
ten vnd ausführen.

Das aber die von Linbeck / Heinrichen
Teichen / gewalt vnd vnrecht gethan / vnd
das er alles widderuffen / wirdet sich / one
zweifel / mit grund / nicht erfinden / Ist auch
nicht gleublich / das die von Linbeck / so sie
solchs vernommen / widder denselbigen der-
massen procediren lassen hetten / Vnd da sich
L. Kay. Maie. desselbigen aussagen vnd be-
kentnussen / vnd worauff er vorharret / bey
denen von Linbeck / erkunden werden / wir-
det das widerspiel leichtlich zuuormercken
sein / So glauben wir auch nicht / das die
von Linbeck / jemand aus den besagten /
entschuldigt hetten / Des seind wir aber wol
berichtet

berichtet worden / **Das** Hertzog **Heinrich** /
vngenerlich mit achtzig pferden / vor **Einbeck**
furüber gezogen / vnd einen **Bürgermeister**
vor das **Thor** fordern lassen / iwe angezeigt /
Er hõrete / das die gefangene / etzliche der
feinen / besagen thetten / vnd mit vielen be-
dravolichen wortten vnd geberden / wissen
wollen / was er danon sagt / **Darauff** der ar-
me erschreckte man / möchte gesagt haben /
Er wüste niemands nichts auffzulegen /
Weist nu dis ein entschuldigung / **Das** stel-
len wir inn **L. Ray. Mai.** gnedigst bedencken.

Das wir auch **Hertzog Heinrich** vnd
die feinen / vor **Mordbrenner** / widder **Gott** /
Ehr vnd **Recht** / solten ausgeschrien ha-
ben / **Daran** thut er **Uns** / seiner gewonheit
nach / vngütlich / wirdet es auch / mit bestand
vnd warheit / nicht beibringen mügen.

Vnd hat die meinung nicht gehabt / da
wir von dem gemeinen / öffentlichen Ge-
schrey / so widder die besagte / **Hertzog Hein-**
richs **Ampteleute** / vnterthane vnd **Diener** / im
Reich **Deutscher Nation** / erschollen / vor-
meldung gethan / **Das** wir darumb von den
Vrgichten abgewichen / **Sondern** zu mehrer
sterckung angezogen / Vnd heist / *Vbi singula
non profunt, multa collecta iuuant.* Vnd wann
bereit der **Churfürst** zu **Sachsen** / 2c. inn sei-
C ij nem

nem Ausschreiben / von solchem öffentlichen
Gefehrey / keine erwehnung gethan / So we-
re es doch / one das / so heimlich nicht / die
Kinder auff der gassen / danon zureden.

Das aber Hertzog Weinrich / seiner ge-
wönlichen vnart nach / Vns / vor seine wid-
derwertige feinde / vnd als die / so sich von
dem waren / alten Christlichen Glauben / ab-
geworffen / Dereticos / Eigensinnige / vnd
die jnen nicht infamiren / denunctiren / odder
berüchtigen künden / angibt / Daran thut er
vns vngütlich / Es ist auch noch nicht erwie-
sen / noch / wie sich gebüret / erkennet / Vnd
one allen zweüel nimmermehr / bewiesen noch
erkant werden / Sonder er selbst / ist vor einen
abtrünnigen Ketzer vnd Vorfölger / der wa-
ren vnd rechten Christlichen Kirchen / Bis so
lange er gemelte seine vnwarhafftige bezie-
tigung vnd ertichtungen / widder Vns / aus-
füre / geacht vnd gehalten werden / So mü-
gen wir auch noch inn warheit sagen / das
wir E. Kay. Maie. der dinge halben / felsch-
lich nicht suggerirt / sondern schlechts trew-
lich / aus hertzlichem mitleidenden gemüte /
so vieler armer vorbrendter vnd ermordter
Leute / Vnd inn befarung des vntergangs
Deutscher Nation / E. Kay. Maie. die Ur-
sichten etzlicher Wordbrenner / vnterthenigst
zugestellet / Dann E. Kay. Maie. als ein löb-
licher

licher vnd hochuorstendiger / gütiger vnd
milder Kaiser / haben leichtlich zuerachten/
Doch solchem vnChristlichem vnd vns
menschlichem Mordbrennen / durch gebür-
liche wege vnd straff/nicht begegten/sondern
witter einreißen würde/das es nicht alleine
zu vorterbe Deudscher Nation/ sonder auch
zu berettung vieler Obrigkeit / vnd zu ent-
licher bewegung des gemeinen mannes / ge-
reichen wolte/ Darumb wir auch inn keinen
zweifel stellen/ Ewer Kay. Maie. werden die
dinge witter / dann Dertzog Heinrich/mit
vordeckten vnd vorblendten worten/E. Kay.
Maie. gerne einbilden wolte / aller gnedigst
bedencken/vnd an gebürlicher volstreckung/
nicht mangels sein lassen.

Das aber der Churfürst zu Sachsen/
vnd Landgrane zu Hessen / jemandts auff
Dertzog Heinrichen/vnd die seinen/ solten
hertiglich haben peinigen lassen/Das wirdet
von ihme erticht/ vnd mit warheit nicht mü-
gen darbracht werden/ Vnd befindet sich
aus dem einhalt der vbergebenen Vrgichten/
das die meisten Mordbrenner / so Dertzog
Heinrichs Amptleute vnd Diener / besagt/
nicht vnter dem Churfürsten / odder Land-
grauen zu Hessen/ gefenglich gefessen odder
befragt worden / Sondern vnter andern
Herrschafften/als Meintz 2c. Brandenburg
2c. vnd andern örten.

C iij Wir

Wie weit vnd hoch auch Hertzog Heinrich zu Wolffenbüttel / vnd andere seine besagte Amptleute vnd Diener / des besagten Mordbrennens / vnd anderer Thaten / vorrechtig vnd berichtigtet / Das ist aus der vorbrachten Mordbrenner aussage / den Gosslarischen purgation Artickel / vnd aus gemeinem Gerücht / leichtlich zuuormerken / Vnd sol sich noch weiter ausweisen vnd befinden / Wann vns vnd andern / gegen dieselbigen / vnser vorigen beschehenen bitt nach / gebürlichs vnd vnparteiſch Rechtens / vorstattet wirdet / Das aber die von Gosslar / noch zur zeit / auff ire vbergebene purgation Artickel / am Cammergericht / nichts erhalten / Das ist nicht seiner Amptleute odder Diener frömmigkeit schuld / vnd bisher der von Gosslar höchste klage gewesen / Vnd hett man / der Reichs ordnung nach / procedirt / so were es nicht von nöten zubeklagen / sondern jtz inn einem andern Stande.

Das aber Hertzog Heinrich weiter vorgibt / Wann ein Vbeltheter auff einen andern bekennet / das der Richter demselben nicht glauben geben sol / Das auch gnugsame anzeigungen / mit zweien guten zeugen / bewiesen werden sollen / Solchs hat / als obgemelt / seinen vorstand / Dan ob wol im Rechten ein Regel sein mag / das den misshendlern / so auff

so auff andere bekant / nicht alwegent glauben
zugeben / So hat doch solche Regel viel
abfelle / inn welchen der mishandler besa-
gung / stat hat / vnd dem glauben gegeben
wirdet / Als nemlich / mit Mördern / vnd inn
denen fellen / da gemeines Landes wolffart
an gelegen / Auch wo mishandlung sein / die
einer allein nicht ansrichten / sondern Gesel-
schafft haben mus / Inn denen fellen / wo die
Mishandler auff ire Gesellen vnd mithelffer
Bekennen / vnd sonst etwo vormutung / zu
solchem bekentnuß / vorhanden / so ist es
ein gnugsam indition / nicht allein zu gefeng-
lichem einziehen / sondern auch zu peinlicher
frage / Vnd dieweil dann die angezogene
Mordbrenner / mit Mordbrennen vnd solch-
en hendeln / vmbgangen / daran gemeines
Landes wolffart gelegen / auch one Besteller /
Anstifter vnd mithelffer / nicht haben kün-
den ausgericht werden / So wirdet sich
Dertzog Deinrich von Braunschweig / nu
selbst zuentschliessen haben / ob den Besa-
gern / widder seine Amptleute vnd Diener /
glauben zugeben sey / odder nicht.

Die Vrgichten aber / so der Landgrane
anzeigen lassen hat / dienen darzu / das sie sei-
ne Diener / inn andern sachen / mehr vordech-
tig machen / Zu dem ende / sein sie auch ein-
bracht / vnd das man darans erkennen mü-
ge / was

ge / was fur ein Regiment / des orts / sey.

Aus deme allen / haben E. Kay. Maie.
aller gnedigst abzunemen / Das wir Hertzog
Heinrichen / vnd die besagte seine Amptleute
vnd Diener / bey Ewer Kay. Maie. wedder
bösllich / felschlich noch vnwarhafftiglich
eingetragen / vermochtet / odder vorun-
glimpfft / wie vns Hertzog Heinrich selbst /
bösllich. vnd felschlich antichtet / Sondern
auff gaugsame vorgewandte indition / arg-
wan vnd vordacht / Dann da sein viel Mord-
brenner / die allbereit gerichtet / vnd ire straff
entpfangen / die auff gemelten iren Vrgichten
vnd bekentnussen / bis inn iren tod / vorharret
vnd bestanden / So werden jr auch noch ein
grosser teil / gefenglichen enthaltē / die es Her-
zog Heinrichs besagten Amptleuten vnd
Dienern / wol gegenwertiglich vnd vnter die
augen sagen werden / So haben wir vns
auch / inn vnser ersten beschehenen Anzeige /
auff andere Vrgichten / Aussagen vnd Be-
kentnus / beruffen / welche Ewer Kay. Maie.
beider Churfürsten / Meintz / 2c. vnd Bran-
denburg / 2c. auch bey denen von Northau-
sen / Northheim / Einbeck / vnd andern mehr /
leichtlich werden zuerlangen haben / Dowi-
der der Hertzog / nicht wirdet sagen können /
das an denselben örten / jemens auff ihnen /
odderr auff seine besagte Amptleute vnd
Diener /

Dienér / inn sonderheit befragt / odder ge-
peiniget worden sey.

Do auch vns / vnd andern / widder
berurte Hertzog Heinrichs Amptlente vnd
Diener / vnparteilichs Rechts / vorstattet /
Sol sich wol erfinden / wer schuldig odder
vnschuldig / zur billigkeit angegeben vnd vor-
mehret / odder nicht / So seind wir auch
einem jedern derwegen zu Recht / gnugsam
gesehen.

So lassen wir auch der Morbbrenner
Urgichten / die wir Ewer Kay. Maie. vnter-
thenigst vorgetragen / vnd anderer Mord-
brenner bekentnus / dauon oben vormeldung
geschehen / besagen / Woher / vnd aus
welchem Land / alles Nordbrennen ange-
stiftet / bestellet vnd vorsoldet / wirdet.

Was glaubens auch Hertzog Hein-
richs Diener seind / gibt vns wenig zuschaf-
fen / allein / das wir inen / warhafftige Reu
vnd Buß / vnd einen guten Christlichen
Glauben / wünschen.

Aber von ihrer Frömmigkeit / haben wir
sunsten nicht viel gehört / Vnd lassen die ge-
D rechts

recht fertigten Nordbrenner / vnd so noch
gerecht fertigt werden sollen / auch die Bos-
salarische purgation Artickel / solchs alles be-
sagen.

Vns wirdet auch / durch Hertzog Hein-
richen / mit vngrund / zugemessen / das wir
inen vnd die seinen / widder Gott / Ehr vnd
Recht / an gerücht / namen vnd leumund /
angegriffen / vnd das wir der beweisung /
nidderfellig worden seind / So wir doch dis
falls / nicht gethan / gehandelt noch vorge-
nommen / Dann was vns die Kaiserliche /
vnd andere beschriebene Recht / so inn höch-
ster Erbarkeit ergründet / selbst leren / Der
sich aber ordentlichs Rechtens gebraucht /
dem mag mit grund vnd warheit / nicht auff-
gelegt werden / das er damit jemand / wid-
der Gott / Ehr vnd Recht / beschwere.

Vnd wie haben wir einiger beweisung /
Hertzog Heinrichs berhümen nach / nidder-
fellig werden können / Diweil vns noch zur
zeit / vber die vorgelegte Vrgichten / keine
andere von nöten gewesen / Vns auch kein
aufgelegt worden. Da vns aber / gegen
bemelten Hertzog Heinrichs Amptleute vnd
Diener / gebürlichs vnd vnparteilichs Rech-
tens

tens/vorstattet/Sol sich wol erfinden/wie
es vmb diese beweisung gelegen/ Darumb
es auch noch viel zu zeitlich/von vns erstat-
tung/ Kar wandel vnd abtrag zufordern/
Wertzog Weinrich eilet zu sehr zur Krippen/
siehet vielleicht inn sorgen/ Da vns/widder
seine besagte Amptleute vnd Diener/ gebür-
lichs Rechtens/ vnerstattet/ odder Ewer
Kay.Maie. würden/ex officio/auff die vber-
gebene Vrgichten/procediren/ Das als
dann/ gemelten seinen Amptleuten vnd Die-
nern/mehr straff/dann abtrag/zugewar-
ten.

Das sich aber Wertzog Weinrich/am
ende seiner schrifft/ mit vielen prechtigen/
pochenden Worten/ auch mit aufffügung
seines gleits/ zur antwort zustehen/ sich er-
bieten thut/ were inne one not gewesen/ Die-
weil wir inen noch zur zeit/ nicht beklagt/
Dann da wir inen zubeklagen/ willens sein
werden/wollen wir/ gebürliche wege zutref-
fen/wissen/ Solte er auch alle seine hand-
lungen vnd beklagungen/ mit der hand hin-
aus führen/würde er nicht wenig zuschaffen
haben.

Derhalben/ so gelanget nochmals an
D ij Ewer

Ewer Kay. Maie. vnser vnterthenigste bitte/
Ewer Kay. Maie. wollen / vngeacht Herzog
Heinrichs vndienstlichen geschwetzes /
vnd vnzeitigs vorteidinges / die ernste vorfü-
gung thun lassen / Damit die besagte / Her-
zog Heinrichs Amptleute vnd Diener /
laufs vnser negsten bitt / gefenglich angeno-
men / inn Ewer Kay. Maie. handen / odder
andere vnuordechtige örter / gestalt / Wir
vnd andere / gegen dieselbige / gebürlich Rech-
tens / bekommen mügen / odder widder diesel-
bigen / aus Kaiserlicher macht / Damit dem
so weit eingerissenen / Vnchristlichen Mord-
brennen / möchte gestewert vnd gewehret
werden / selbst procediren vnd vorsehen las-
sen / Dann das wir / widder die besagte
Amptleute vnd Diener / vor Herzog Hein-
richen / der sich durch seinen gethanen vor-
meinten gegenbericht / albereit zum part ge-
macht / neben andern vordechtigkeiten /
Recht suchen vnd gewarten sollen / were vns
nicht gelegen / künden vns des auch nicht
schuldig achten / vnd bey Ewer Kay. Maie.
nicht zuuordencken / Ewer Kay. Maie.
wollen hierinnen / ihr Kaiserlich Ampt /
scheinen lassen / Das wirdet Gott dem
Allmechtigen / ein gefellig / behegliche / vnd
Dendscher Nation / ein nütze vnd bequeme
werck

werck sein/ So seind wir es vmb Ewer
Kay. Maie. inn höchster vnterthenigkeit zu-
uordienen/gantz willig bereit/ Vnd thun
vns Ewer Kay. Maie. hiemit vnterthenigst
befehlen/2c.

E. Kay. Maie.

Vnderthenigste vnd
gehorsame.

Churfürst / Fürsten vnd
Stende / der Christlichen
Ainungsvorwandten / so
gegenwertig/vnd der abwe-
senden / Rethe / Gesandten
vnd Botschafften / itzt zu
Regenspurg.

